

## Zarma - Gaabandi Tira Hanney - Comfort Scriptures

2 Corinthiens 1:2-4 Gomni nda laakal kanay ma bara araq banda kaq yan ga fun iri Baabo Irikoy da Rabbi Yesu Almasihu do. 3 Iri m'iri Rabbi Yesu Almasihu Irikoyo kaq ti a Baabo mo saabu. Nga ga ti Baabo kaq to da suuji, bine-gaabandiyan kulu Irikoyo mo no. 4 A go g'iri biney gaabandi iri kankami kulu ra, hal iri ma du ka borey biney gaabandi kaq yan go kankami dumi kulu ra. Iri m'a te mo da bine-gaabandiyan kaq iri bumbey du Irikoy do.

Proverbes 15:13 Bine kaq ga maa kaani ga moyduma farhandi, Amma bine saray do no, a bina ga fun.

1 Rois 8:66 Jirbi way cindi guwanta hane a na jama sallama, ngey mo na albarka gaara bonkoono se, ka koy fu da farhā da bine kaani, gomney kulu kaq Rabbi cabe nga tamo Dawda nda nga jama Israyla se din sabbay se.

1 Chroniques 16:10 Wa araq fooma te a maa hanna sabbay se. Borey kaq yan ga Rabbi ceeci, biney ma kaan.

Proverbes 12:25 Boro bine ra fitina ga naq a ma sumbal, Amma gomni sanni ga bina kaanandi.

Proverbes 13:12 Muraadu kaq mongo ka feeri ga naq bine ma dooru, Amma d'i du ngey bine ibaay hari, fundi tuuri no.

Esaïe 30:26 Woodin banda no hando kaaro ga ciya sanda wayna wano cine.

Wayna kaaro mo ga labu-care hala sorro iyye, sanda wayno iyye kaari cine, zaaro kaq ra Rabbi ga nga jama biriyo kaq ceeri din haw, a ma biyo kaq nga kaa i gaa din yayandi mo.

Osée 13:8 Danga urs kaq i n'a izey sambu, Yaadin cine no ay g'i kar. Ay g'i gandey kortu kala binayzey gaa, K'i ηwa mo danga muusu beeri nya cine, Danga mate kaq cine ganji hamey g'i tooru-tooru.

1 Samuel 1:8,10 A kurnyo Elkana mo ne a se: "Hay, nin Hannatu, ifo se no ni goono ga hē? Ifo se no ni ga wangu ka ηwa mo? Wala ifo se no ni bina sara? Manti ay bisa ni se baa ize alboro way?" 10 Hannatu gonda bine saray, a na adduwa te Rabbi gaa, a hē mo da hēeni konno.

Psaumes 25:16,17 Ma bare ay do, ma gomni goy te ay se mo, Zama ay go faajii nda taabi ra. 17 Ay bina taabo tonton, ni m'ay kaa ay masiibey ra.

Psaumes 34:18 Adilanley ga hē, Rabbi ga maa, A g'i soolam ka kaa i taabey kulu ra mo.

Psaumes 38:8 Zama ay gunde calbey to da tonyaq, Ay hamo kulu ra mo sinda baani.

Psaumes 55:4 ibare jinde sabbay se, da boro laaley kankamo sabbay se, Zama i go ga laala tanj ay bonj, Futay mo no i go g'ay kuta nd'a.

Psaumes 61:2,3 Ya Irikoy, ma maa ay hēeno se, Ma hanga jeeri ay adduwa se mo. 3 Za ndunnya me no ay ga ni ce, Waati kañ ay bina gaze. M'ay candi ka kond'ay tondo kañ ga ku da ay do.

Psaumes 62:8 Irikoy do no ay faaba d'ay darza go. Ay gaabo tondi daaro d'ay koruyaño, Irikoy do no i go.

Psaumes 73:26 Ay bina d'ay hamo gaze, Amma Irikoy ga ti ay bina tondi daaro, D'ay baa mo hal abada.

Psaumes 77:2,3 Ay jinde no ay go ga hē d'a Irikoy gaa, Oho, ay jinde no ay go ga tunandi Irikoy gaa, Nga mo ga hanga jeeri ay se. 3 Ay taabo zaaro ra ay na Koy Beero ceeci, Cin mo ay kambe go ga salle, a mana dusu. Ay fundo wangu ka yaamaryañ ta.

Psaumes 86:11 Ya Rabbi, m'ay dondonandi ni fonda, Ay mo, ay ma dira ni cimora. M'ay bina sasabandi a ma humburu ni maa.

Psaumes 109:22 Zama ay ya taabante no, kañ go moori ra, I n'ay bina mo maray ay ra.

Psaumes 112:7,8 A bina goono ga sinji no, A goono ga de Rabbi gaa, Baaru laalo s'a humburandi. 8 A bina sinji, a si humburu hay kulu, Hal a ma di nga muraado feeri nga yanjekaarey boñ.

Psaumes 143:4 Woodin sabbay se no ay biya kasam ay ra, Ay bina mo goono ga dusu ay ganda ra.

Psaumes 147:3 A ga bine-saray-koyey yayandi, a g'i biyey haw.

Proverbes 14:30 Laakal kaanay ya fundi no gaaham se, Amma canse ya biri fumbi no.

Ecclésiaste 1:13 Ay n'ay boñ dan ay ma ceeci laakal do ay ma hay kulu kañ i ga te beena cire fintal. Taabi korno hari no, goyo kañ Irikoy no Adam-izey se zama a m'i gooji nd'a.

Ecclésiaste 2:10 Hay kulu kañ ay moy di kañ ay ga ba, Ay mana wangu nd'a i se. Ay mana ay bina ganji farhā hari kulu kañ no, Zama ay bina maa kaani ay goyey kulu sabbay se. Woodin mo ga ti ay baa ay goyey kulu ra.

Ecclésiaste 2:22,23 Zama ifo no boro ga du nga goyo kulu nda nga kookaro kulu ra, kañ a maa taabi a ra beena cire? 23 Za kañ a jirbey kulu ra a sinda hari kulu kala day taabi, a taabo mo bine saray hari no. Oho, baa cin a laakal si kani bo. Woodin mo yaamo no.

Esaïe 30:29 Amma arañ wo ga doon, Sanda cino kañ ra borey ga bato marga te. Farhā mo go bine ra sanda waati kañ cine i ga dira ka seese kar Rabbi tondo do koyyan se, Kañ ga ti Israyla Tondo.

Esaïe 57:15 Zama ya no beeray da darza Koyo ci, Nga kañ goono ga goro hal abada zamaney kañ ga duumi ra, Nga kañ maa ga hanan, A ne: Ay goono ga goro beeray nangu hananta ra, Da mo boro kañ a wane taaley dooru a gaa, Kañ gonda lalabu mo banda, zama ay ma borey kañ gonda lalabu biyey

funandi, Ya boro kañ a wane taaley dooru a gaa mo fundo tajandi.

Esaïe 65:14 A go, ay tamey ga doon bine kaani sabbay se, Amma aran wo ga hē bine saray sabbay se, Aran ga wurru mo biya kañ di bone sabbay se.

Esaïe 66:13,14 Sanda mate kañ ni nya ga boro bine yeenandi, Yaadin cine no ay g'aran biney yeenandi. Ay g'aran biney yeenandi mo Urusalima ra. 14 Arañ ga di woodin, aran biney mo ga kaan, Arañ biriyey mo ga zay sanda subu tayo cine. Rabbi kamba dabaro ga bangay a tamey se, A ga dukur mo nga ibarey se.

Jérémie 15:16 Ay du ni sanney, ay n'i ñwa mo. Ni sanney ciya ay se farhā da bine kaani ay bina se, Zama i n'ay ce da ni maa, Ya Rabbi Kundeykoyo.

Jérémie 24:7 Ay m'i no bine kañ g'ay bay, kañ ay ya Rabbi no. I ga ciya ay se jama, ay mo ga ciya i se Irikoy, zama i ga bare ka ye ay do da bine folloñ.

Jean 14:1 "Arañ biney ma si sara. Wa Irikoy cimandi, w'ay cimandi mo.

Jean 14:27 Laakal kanay no ay ga nañ aran se, ay laakal kana no ay g'aran no. Manti danga wo kañ ndunnya ga no cine no ay g'aran no bo. Arañ biney ma si sara, i ma si humburu mo.

Jean 16:6 Amma aran biney to da bine saray zama ay na sanney din salan aran se.

Jean 16:22 Arañ mo, sohō aran gonda bine saray, amma ay ga ye ka di aran. Waato din no aran biney ga farhā, aran farhāyo mo boro kulu s'a kaa aran gaa.

Actes 2:46 Zaari kulu mo i goono ga mo ye da bine folloñ Irikoy windo ra, ka buuru ceeri ngey fuwey ra, ka ngey ñwaarey ñwa care banda da farhā da bine folloñ.

Romains 9:2 kañ ay gonda bine saray gumo, doori go ay bina ra mo waati kulu. 2 Corinthiens 2:4 Zama ay hantum aran se za kankami booba da bine saray ra da mo-mundi boobo mo. Manti ay n'a te hal aran biney ma sara no bo, amma zama aran ma bay baakasinay beero gaa kañ ay gonda aran se.

Ephésiens 5:19 Arañ ma salan care se da Zaburayañ da saabi baytuyañ da dooniyan kañ yan fun Biya Hanno do. Wa baytu ka doon aran biney ra Rabbi se.